

آبونه شرائطی

ممالك عثمانیه ده سنه لکی (۶۵)، التي
آیلغو (۲۵۱) غروشدور .

ممالك احصیه ده سنه لکی (۱۷)، التي
ایانی (۹) قرانقدر .

اداره خانه

باب عالی جاده سنده دائرة مخصوصه

اضطرابات

آینه بدلی پشندور .

§

مملکه موافق آثار مع الممنونیه قبول
اولنور . درج ابدله بن یازیلر اعاده
اولونماز .

المجله

۱۳۳۰

دینی، فلسفی، علمی، ادبی، سیاسی هفته لک مجموعه اسلامیہ در.

والله یهدی من یشاء الی صراط مستقیم

صاحب و مدیر مسئول: ح. اشرف ادیب

اتبعون اهدکم سبیل الرشاد

عدد ۲۸۲

۹ ربیع الاول ۱۳۳۲

پنجشنبه

۲۳ کانون ثانی ۱۳۲۹

جلد ۱۱

اضطرابات

رساله من آن امدیغی کو- ترمک شرطیله
بتون یازیلر هر هانکی بر غزته طر قندان
انتباس اولونه ییلیر .

§

مکتوبلرک، امضالرک واضح و اوقوناقلی
اولمسه و آبونه صبره نومروس محقری
بولونمس لازمدر .

§

ممالك اجنبیه ایچون بونه دالر
درسلیرشک فرانسزجه ده یازلمدی دحا
اولنور .

§

پاره کوئدرلیدیکن، ان نه یه دئر ولدیغک
واضحا بیلدیلمی دحا اولنور .

ابو هريرة «رضی الله عنه» دن کان طریق صحیح ایله [الزهري عن ابن المسيب عن ابی هريره] وارد اولمیشدر. زهریدن شعیب ایله معمر روایت ایدیور. بویهجه ایکی قول ایریلدرق بخاری به واصل اولیور.

حدیث شریفک سبب ورودی ا کلاشیانجه حکمتی ده ا کلاشیله. جفندن ایلروجه حکمتک یازلمسنه حاجت کورولماشدر.

ازمیری اسماعیل حق

مَقَالَات

مسلمانلرک اوغرا دقلری فلا کتله کندی نفسلرندن در.

«وما اصابکم من مصیبة فاما کسبت ایدیکم . . . فرقان حکیم»

انسان نه عجایب مخلوق در: کندی ایله نفسنه قارشى الك بیوک جنایتی ارتکاب ایدر. اونی فلا کت اوچوروملرینه سوروکلر، اسباب سعادتنی اهل ایدر، طرق رفاه ونجاتی برافیرده سوکره کندی ایله حاضرلادیفی بوجنایتی، بو فلا کتی بشقملرینه، بی کنه اولان معصومله یوکلتمه یه چالیشیر؛ فلا کتک، جنایتک سببی بشقه طرفلرده ارامنه قالقیشیر!

یاخود باشنه کلن فلا کتله سبب اولمق اوزره طبیعتی کوستیر؛ کندی ایله حاضرلامش اولدیفی او دهشتلی مصیبتلری، او الیم فلا کتله زمانک فناغنده، بشقه کیمسه لرك تقصیراتنده کورور؛ کندیسنک معذور اولدیغنی سویلر. اکر بوده ممکن اولماز، طرق اعذار قیایر، او قبودن کیرمک ده کوجه شیرسه او زمانده بوفلا کت ومصای «قدر» یوکلتمک ایستر؛ باشنه کلن فلا کتک سببی «قدر» اولدیفی زعم فاسدنده بولنه رق اونی لوم ایدر. «انسانک قضا وقدری کندیسنه دشمن اولنجه نه یایسه فائده ویرمز؛ قدر یاردم ایتمکجه دوشوندکاری چاره لر، بلانلر، هپ بوشدر» دیمکه قالقیشیر:

«وغدا یعتب القضاء ولا عند ر لخاص فاما یسوق القضاء»

بز مسلمانلر اوله اعتقاد ایدیورزکه: جناب حق، علم ازلی آلهیسنده مسبوق اولدیفی وجهله مخلوقاتی اراده واختیار صاحبی اولارق خلق ایلدی؛ شبه یوق که نوع انسانده مخلوقات جله سندن در؛ انسان هر نه ایشلرسه کندی اراده واختیاری ایله ایشلر؛ بواراده واختیاری ده بر علمدن نشئت ایدرکه: او علم ایله مصاحت و منفعتی، مفسدت ومضرتی اکلار، اوکا کوره حرکت ایدر. بوعلمک ضروری قسمی اولدیفی کبی، مکتسب اولان قسمی ده واردر.

بوعلمی اکتساب ایتمک ایچون بک واضح طریق واردر؛ او طریقلردن خارجه چیقلمدقجه غایه یه بک قولای ایریشیلیر.

عجبا انسانک علم ازلی آلهی بی، اراده سبجانیته یی اعتقاد ایتمی

کندیسی ایچون طریق مستقیمدن انحراف ایدوبده وادی اضمحلاله یووارلامسنه عذر اولورمی؟ عجبا، عالمک بر خالقه محتاج اولقسزین مجرد اتفاق و تصادف نتیجه سی موجود اولدیغنی؛ یاخود - حاشا - اراده واختیار صاحبی اولمیان بر خالق جاهلک ایجاد ایتدیکنی فرض ایتمک انسانک عذرینی ازاله ایدرمی؟ خیر، خیر! بونلر اوله هذیان - درکه ارباب عقولدن صدوری متصور بیه دکلدر.

اوله ایسه مسلمانلر نه اولیورکه هرشی ده قضا وقدری اوکه سوربورلر؟ بشقه طرفلره یوکلتمه مدکلری فلا کت ومصای قدره تحمیل ایتمک ایسته یورلر؟ ایکیده برده باشلرینه کلن فلا کتله سببی تدقیق ایتمک ایسته میهرک «آرتیق علم الهی ده بویه سبب ایتمش اولدیغندن اراده سبجانیته بویولده تعلق ایدر بکدر؛ بشقه درلو اولماز» دیوب ایشک ایچندن چیقورلر!

مسلمانلر هر شیئی قدره تحمیل ایتمکله اوله بر درکه یه سقوط ایتدیلمک: هم کندیلمی، هم ده مسلمانلرک اوصاف، پاک اولان عقیده سی عادتاً مالی سائرندک مسخره سی یایدیلر: «مسلمانلرک ترقی ایدمه سی قضا وقدره اولان اعتقادلری در؛ مسلمانلر بو عقیده یی تلقین ایدن دینی برافدقجه تمدن ایدمزلر» دیه دینی، قرآنی تحقیر قدر واردر دیلر.

حال بوکه اراده واختیار صاحبی اولان برانسانک باشنه کان فلا کتدن طولانی - هیچ بر وقت قضا وقدری لوم ایتمی طوغری دکلدر. بونک ایچون درکه ائمه مسلمین دن هیچ بریسی، انسانک علمده، سعی وعملده اولان تقصیراتی اوزرینه قضا وقدرله احتیاج ایتمی، آنلرده اولان تقصیردن تشئت ایدن فنالنی قضا وقدره اسناد ایتمی تجویز ایتمه مشلدر، بالعکس بو کبی شی دن صراحة منع ایتمشلدر. چونکه فنالنی قدره نسبت ایتمک، جناب حقه نسبت ایتمک اولدیغندن، سوء ادب در؛ کتابه، سنته، نصوص ائمه یه مخالف در. بونک ایچون درکه کفارک مشیت ایله احتیاجه قالقیشمالرندن طولانی قرآن کریم اونلری شدتله توبیخ ایدیور: «سیقول الذین اشرکوا لولئله الله ما اشرکنا ولا آباؤنا ولا حرمانا من شی کذلک کذب الذین من قبلهم حتی ذاقوا بأسنا قل هل عندکم من علم فتخرجوه لنا ان تتبعون الا الظن وان اتمم الا تخرصون». کورولیور که قرآن کریم، بویه اسباب سعادتنی اهل ایدوبده قضا وقدرله احتیاجه قالقیشمالری شدتله توبیخ ایدیور، اونلرک یالانچی اولدقلری سویلیور. چونکه مفسرین کرام حضراتی آیت کریمه ده کی «خرص» ی کذب ایله تفسیر ایدیورلر. بو صورتله اعتقاد ایدنلری زجر وقدر ایله احتیاجدن منع ایتمک خصوصنده بشقه برشی وارد اولسه بیه بو آیت کافی ایدی. حال بوکه بو باده دها بک چوق آیت واردر، که شو آیت ده بوجهلدر: «واذا قیل لهم انفقوا بما رزقکم الله قال الذین کفروا للذین آمنوا انطم من لولئله الله اطعمه ان اتم الا فی ضلال مبین»

خلاصه: انسان علمنده کی تقصیر، سعی وعملنده کی یولسزلق طولان

پیشیه باشنه کلن مصیبتلردن طولانی قدره قباحه بولمیه حق یوقدر؛ آیات کریمه، احادیث نبویه، آثار صحابه، اکابر مجتهدین بوندن شدتله منع ایدیورلر.

اسلام دین فطری در، دین طبیعی در. بناءً علیه اسلامده فطرته مخالف، عقیده مغایر بر شیلر یوقدر. « مامن مولود الا یولد علی الفطرة فابواه یهودانه اوینصرانه اویمجسانه... حدیث شریف. » « فطرة الله التي فطر الناس عليها لا تبديل لخلق الله ذلك الدين القيم... » قرآن حکیم « براهینک اقوابی اولان قدرت، بزه دلالت ایدیورکه: یامیش اولدیغمز شیلری کندی اراده واختیارمن ایله یاییورز؛ صحیح اولان تجربه وتبعمز بزه اثبات ایدیورلرکه: کرک افراد، کرک هیئت اجتماعی آرمنده انسانک سعادتق نتیجه اعمالی اولدینی کبی، فلاکتی ده آثار کسبی در. انسان هر هانکی بر شی ایچون لازمکلن اسباب طبیعیه نک هسنه توسل ایدر، اولری حقیقه استیفا ایدرسه و شیئی هر حالده آله ایدر؛ املی، سعی و عملی بوشه کیتمز. مکر اسباب ایله نتیجه آرمنه بشقه بر سبب حلول ایدکه بوده پک آز اولور. اسلام، فطرته موافق اولارق کلدیکی ایچوندره فطرته جاری اولان بو حکمی قرآنده تصریح ایتکدهدر: « وما اصابکم من مصیبة فمأ کسبت ایدیکم »، « وان لیس للانسان الا ما سعی. وان سعیه سوف یری ثم یجزاهم الجزاء الاوفی »، « من یعمل سوء یجز به... » بو معناده اولان آیات کریمه و احادیث شریفه پک چوقدر. بونلر صراحة کوستریورلرکه: انسان کرک دنیا، کرک آخرت ایچون نه نسبتده چالیشیرسه او نسبتده سعاده ایرر، عکسی حالده او نسبتده فلاکته دوچار اولور. بناءً علیه بوندن طولانی کیمسه نی لوم و تقبیحه حق یوقدر، چونکه جناب حق اسباب سعادت وفلاکتیزی کوسترمشدر؛ کائناتده جاری اولان سنن و قوانینه تبعیت ایدر، طریق مستقیمدن انحراف ایتمزسه ضلالت و دوشمز، فلاکته اوغراماز. لکن، قوانین فطرته مخالف حرکتده بولنلر، شهراه شریعتدن خارجه چیقانلر هم دنیاده، هم آخرتده خائب و خاسر اولورلر؛ اولنر ایچون نه دنیاده راحت وار، نه عقباده سلامت « و من اعرض عن ذکری فان له معیشتة ضنکاً ونحشر له یوم القیامة اعمی... »

مادامکه بویله در، او حالده مسلمانلر نفسلرینه رجوع ایتسونلر، باشلرینه کلن بو قدر فلاکتلری اوتته کنه بریکنه یوکتهمیه چالشمه نک طوغری اولدیننی آکلاسولر. هله بو مصیبتلری قدره یوکتتمک، نه یایلم قدر بویله ایش، ازده بویله یازلمش دیهرک ایشک ایچندن قولایجه صیریلوب چیقماق؛ عصرلردن بری عالم اسلامی محو ایدن عاملک نه اولدیننی تدقیقه یاناشماق ظلمک اک بیوکلرندن در. بو خصوصده نه قدری؛ نه ده بشقه کیمسه لری لوم ایتهمیه حقمز یوقدر؛ بزم لوم و تعییب ایدم جکمز برشی وارسه اوده کندی نفسمزدر: « وما ظلمناهم ولکن کانوا انفسهم یظلمون. » « هیچ قوله ظلم ایدری خدای. کشینک چکدیکی ده کندی جزایی »

اوله یا، جناب حق بزه سعادت وفلاکت یوللری کوسترمیدی؟ بزه کوز، قولاق ویرمیدی؟ بزه کائناتک قانونلرینک تبدل و تغیر ایتهمه جکمی، بو قانونلره رعایت ایتهمینلرک دوچار فلاکت اولاجقلری خبر ویرمیدی؟ ایشک یان کندی نفسنک سعادتق، فنانق ارتکاب ایدن ده فلاکتی حاضر لاش اولدیننی قرآن کریمده او قوم یورمی ز؟ « من عمل صالحاً فلنفسه ومن اساء فلنفسه وما ربک بظلام للعبید »

جناب حق، ارضده سیر و سیاحت ایله اتم واقوامک سعادت وفلاکتی انتاج ایدن شیلری تدقیق ایدوب اولردن عبرت آلمه مزی امر ایتهمیدی؟ « قل سیروا فی الارض... » ایشته بو کون قانون طبیعه، ناموس فطرته انقیاد ایدن، افرادی سعی و عمل، کسب و تجارت خصوصنده ایلری کیدن ملتلی کوریورزکه دنیایی حکملرینه رام ایدیورلر؛ اتم سائرهمی کندیلرینه خادم قیلیورلر. اک ضعیف اولان ملتلیله قانون طبیعه موافقت، افرادنده کی عزم و همت سایه سنده آزر زمان ظرفنده پک یوکسک بر موقعه چیقارق قارشیلرنده کندیلرندن - عدد اعتبارله - میذونلرجه فضله اولانلره میدان او قیورلر. مسلمانلر بونلری کوروب طورور ایکن حالا شخصلرینه اصابت ایدن فلاکتدن طولانی قدری لوم و تقبیح ایتک، مسلمانلرک دوچار اولدینی بونجه فلاکتلردن طولانی ده استقلاللری سلب ایتهمیه چالیشانلری ظلمه، حقمرلغه نسبت ایتهمکه اکتفا ایده جکلر؛ مسلمانلر بیلیم یورلری که: قوینک ضعیفی استیلا ایتسی، فقیرک ثروتی غنیکن اموپ آلمسی قانون فطرت مقتضاسندن در [۱]؛ مسلمانلرینه بیلیم یورلری که: قانون فطرته اعتراض ایتک، حکیم عادل قارشى اعتراض ایتک در؛ قانون فطرتک خلافی بکله مک، بر قومک کیفی ایچون اونک تبدیل و تحویل ایدیله - جکندن امیدوار اولمق حماقت در، جهالت در، جنت در...؟

سبحان الله! هپ مسلمانلر زنکین اولمق ایسته یورلر، فقیرلکی قطعاً سه و میورلر، عزیز اولمق، مسعود یاشماق آرزو ایدیورلر؛ ذلتن، فلاکتدن خوشلانیورلر. بتون مسلمانلر، مملکتلرینه اجنبیلرک حلول ایتسندن، بر چوق منابع ثروتی الارینه کچیرمسندن، مسلمان مملکتلرنده اجنبیلرک اقتصاداً، تجارت حاکم اولسندن شکایت ایدیورلر؛ پک اعلا هر طرفده کی مسلمانلر بو حاللردن شکایت ایدوب طوردرقلری حالده مشروع بر صورتده بو کامانع اولمق، یا خود اولنر کی فدا کارلقده بولمق نیچین خاطرلرندن کچمیور؟ مسلمانلرده بویله علوی بر فکر میدان کلدکن اعتباراً بر چوق ملتلی محکوم ایدم جکلری نیچین دوشونمیورلر؟

[۱] حیات عضویه و حیات اجتماعی ده تأمیله جاری اولان اصطفاى طبیعی؛ و بقاء البق قانونی بزه کوستریورکه: کائناتده هر فرد، شخصی، نوعی محافظه ایچون چالیشیر؛ هر فردک بویله چالشمه سندن رقابت، بورقبتدن ده مبارزه حیات حصوله کایر؛ مبارزه حیات نتیجه سنده قوی ضعیفه غلبه ایدر، قوی حاکم اولور؛ ضعیف مغلوب و محکوم اولور. قویلر قایلر، ضعیفلر اورته دن قالقار. بناءً علیه موجوداتدن، طبیعتی محاکم ایجاباتنه البق اولانلر بقا یولیور، دیکرلری محو اولیور. او حالده قوینک ضعیفی یونهمیه چالشمه سنه اعتراض ایتک، طوغری دکلدر؛ قانون طبیعت قارشى کلک در. مسلمانلر آدم اولسونلرده کندیلرینی یوتدیرمسونلر....

عجبا اساس اعتبار به دیناری بو صورتله چالشمه لرینه مساعد اولیان غربیلر ، مسلمان مملکتلرینه بو قدر حلول ایدر ، بو سایه ده بر چوق یلری ده مستعمر لرینه الحاق ایدرلر ، میلیونلارجه اسلامی زیر تحکملرینه آلیرلر مسلمانلرکالی بوکرنده طورملری ، « قدر » نه ایسه او یله اولور دیمه لرلی صحیح اولورمی ؟ محکمه کبراده بویه دیمکه قورتولا . بیه جکارمی ؟ اولر آلا بیلدکلرینه چالشدقیری حالده مسلمانلرک کوشه عطالته چکیله رک « آلیزدن مملکتلریمزلی جبراً آلورسکز » دیه اوروپالیلره طعن وتشیع ایتلری موافق عقل می ؟ آلیزده رهبر نجاتمز اولان قرآن ، ارضی انمار ایدک ، کیم انمار ایدرسه ارضه او صاحب اولور دیمورمی ؟ « ان الارض یرثها عبادی الصالحون » . اسباب سعادتکزی اهل ایدوبده کندیکزی تهلکه به القا ایتمه یک دیمورمی ؟ باشمزه کلن فلاکتلردن طولای بشقه لرینی دکل ، کندیمزلی توبیخ ایتک لازمکلیکنی قرآن خبر و یرمیورمی ؟ . بناء علیه مسلمانلر چکدکلری فلاکتلرک مسیبه یینه کندیلری اولدیغنی کلا یه رق او کا کوره چالشمه لیدرلر . والا صوکه موجودیتلری ده تحت تهلکه به در . « وما اصابکم من مصیبه فمأ کسبت ایدیکم ویغفوا عن کثیر »

آفسر کبلی احمد محمدی

مسلمانلرده بر ملیت وار

[۳]

دین جلیل محمدینک (علیه الصلاة والسلام) عربلردن صوکر ابلکه عربلر قادار خادم و ناشری اولان بو محترم ، بو عظیم النفس ، بونداکار ، ارطغرل اولادینک سیل خروشان کبی سینهلرندن فیشقیران سودای دینک ، عشق محمدینک (علیه الصلاة والسلام) اک پارلاق ، اک نظر فرب شاهدلرندن بریده فردوس آشیان سلطان احمدخان اول حضرت تلیزینک عمامه خلافتارینه آصدیقاری (صورغوج) در . بومبارک (صورغوج) قدم اقدس نبوینک (علیه الصلاة والسلام) رسمی ترسیم وزاده طبع هایونلری اولان :

نوله تاج کبی باشمده کوتورسم دائم

قدیمی رسمیدر حضرت شاه رساک

کل کلزار نبوت اوقدم صاحبیدر

بختیار دورمه یوزک سور قدیمینه اوکاک

قطعه غراسنی یازدیر مشلردر .

شوکتلو خلیفه اسلام افندیمز حضرت تلیزینک والد ماجد هایونلری جنتمکان غازی عبدالمجید خان حضرت تلیزینک ، روضه مطهره خاتم الانبیاء (علیه الصلاة والسلام) افندیمز حضرتلری اوقادار شدتلی بر عشق عبودیتله مربوط ایدیلر ، که او مهجر ابدی الاشهار محمدیدن (علیه الصلاة والسلام) شرف وارد اولان معروضات رسمیه و خصوصیه یی استماع بو یورمق ایچین ایاغه قالسارلر و بیت الهی به متوجه بر وضعیت تکریم و تقدیس آلیرلردی .

مدینه منوره نک وبالخاصه روضه مطهره نک تعمیر و تزیینی ایچین برقاج میلیون لیرا صرف بو یورملری ، هله روضه مطهره نک غبطه بخش آسمان اولان

زمین پاکنه دوشمنک ایچین بالخاصه اعمال ایتدکلری چینی لری آلتنده « کناهکار عبدالمجید » عباره عشق و غرامنی یازدیرملری سلطان کشورلولاک « علیه الصلاة والسلام » افندیمز حضرتلرینه نه آتشین بر روح ایمان و تصدیق ایله مربوط بولوندوقلرینه کونش قادار پارلاق بر برهاندر . عثمانلی تاریخی آچیلرده هانکی صحیفه سنده سلاطین ماضیه حضرتانک بوقبیل مناقب دیانت و ملیت پرورانه لرندن بری اوقونماز ؟

عثمانیلرک اوچ عصردن برودوام ایتمکه اولان انحطاطی و خصوصیه شوصوکه فلاکت مغلوبیتک اسبابی آراسنده دیانت و ملیته قارشلی آلدقیری وضع لاقیدانه یی بوکون آوروپالیلر بیه یوزلرینه چار پیورلر . فرانسه لر کبی فوقزده کی قدرت قاهره صمدانیه یی اونوتاراق مغرط بر غرورایله باشلامق جنایتده بولوندیغمز شو مشوم حربک قان و آتش طوفانلری نوننده چانالجه یه قدر نصل قاچدیغمزلی بیه مدک . جناب حق (جل شانہ) او مغرور و متعظم بورنومزلی زمین تذلل و احتقاره سورندوردی . بزلی « آمان...! » دی به درگاه مرخته ال آچدیردی . صوکراده چانالجه حربنی قازاندیردی دکللی ؟ اجنبی مخبرلری غزته لرینه « چانالجه حربنده الله ، مسلمانلرله برابر ایدی ! » دی به یازدیلر . بونه معنیدار براخبار ایدی ! دیمک چانالجه یه قادار الله مسلمانلرله برابر دکلش . حتی بونی او اجنبیلر بیه بیایورلر مش ! نصرت حق بولونمدیغنی طرفک دائماً مغلوب اولاجغنه قناعت وجدانیه لری وارمش ! زهی انطاق حق !

هله ادرنه نک استردادی مسئله سنده اوروپانک اورعد و برق طراقة غیظ و تهووریه اسماعی صاغیر ایتمه ، اذهان و افکاری اضلاله . چالیشان تهدیدات صلیب پرستانه سنه قارشلی اسلامیه ، سلطان سلیم جامع شریفنه اوقادار صاریلدق ، ادرنه نک بر سواد اسلام اولدینی ادعاسیله اوقادار باغیردیق ، که آرقالیدی سسمز قیصیلوردی ! او جامع شریفه حسرت یاشلریله او قادار جرارتلی تقدیس خطابه لری ، وداع مرثیه لری یازدیق ، که کوزلریمز رؤیتدن بری اولیوردی ! او صروده اسلامیه صیغمنش ، حقوقزلی یالکز اسلامیه مدافعه به چالیشیوردیق ! تورکلک ی هیچ ده خاطر مزه کتیرمیور ، بلکه کتیرمک بیه ایسته میوردیق !

یاشمدی نه اولیوروز ، نه یه کیدیوروز ؟ قوه و قدرتک ، سلامت و سادتک وحدت ملیه اسلامیه ده اولدیغنی بیلرکن نه دن اوقوتی پارچه لامعه ، بوتون بوتون دوشورمکه چالیشیوروز ؟ کورد ، لاز ، چرکس ، کورجی الخ بونجه اقوام و عناصر تورکلکه می مربوط ، یوقسه اسلامیه می ... ؟ هرکس جامعله قومیت دویغوسیه می کیوریور ، یوقسه اسلامیت ، مؤمن و موحد حسیله می ؟ مساجد آلهمیه نک قومیتله ، عنصریته هیچ بر مناسبتی وارمی ؟

اخوت ، اتحاد ، قومیتده می ، یوقسه دیانتده ، ایمان واسلامده می ؟ جناب حق « انما العرب .. انما الترك ، انما الکرد الخ ... اخوة » می دیور ؟ یوقسه اخوت عامه یی ایمان بالله حص ایدرک « انما المؤمنون اخوة » می بو یوریور ؟

کچنلرده علماز مره سندن کچین صاریقلی بر کورجی تورکلک علیهنده او یله